

校上

總纂官臣紀昀臣陸錫熊臣孫士毅

總校官臣陸費墀

欽定四庫全書

鍼灸經原表

二

鍼灸資生經原表

昔神農嘗百草之味以救萬民之疾周官設疾醫之政以掌萬民之病著在簡編為萬世法我宋勃興神聖相授咸以至仁厚德涵養生類且謂札瘥薦臻四時代有救恤之術莫先方書故自開寶以來蚤敎近臣雖校本草厥後纂次神醫普救刊行太平聖惠重定鍼灸俞穴校正千金外臺又作慶厯善敎簡要濟衆等方以惠天下或範金以或鏤板聯編是雖神農之用心成周之

欽定四庫全書

鍼灸經原表

致治無以過也天錫神考睿聖承統其好生之德不特見於方論而已又設太醫局熟藥所於京師其恤民瘼可謂勤矣主上天縱深仁孝述前列爰自崇寧增置七局揭以和劑惠民之名俾夫修製給賣各有攸司又設收買藥材所以革偽濫之弊比詔會府咸置藥局所以推廣祖考之德澤可謂曲盡然自創局以來所有之方或取於嚮藥之家或得於陳獻之士未經參訂不無舛訛雖嘗鏤板頒行未免傳疑承誤故有藥味脫漏銖兩

過差製作多不依經祖製間有偽妄至於貼勝謬戾尤
多殆不可以一二舉也頃因條具上達朝廷繼而被命
遴選通醫俾之刊正於是請書監之秘文採名賢之別
錄公私衆本搜獵靡遺事關所從無不研核或端本以
正末或汴流以尋源訂其訛謬折其淆亂遺佚者補之
重複者削之未閱歲而書成繕寫甫畢謹獻于朝將見
合和者得十全之效飲餌者無纖芥之疑頌此成書惠
及區宇遂使熙豐惠民之美意崇觀述事之洪規本末
欽定四庫全書
巨細無不畢陳納斯民於壽康召和氣於穹壤億萬斯
年傳之無極豈不建歟

鍼灸資生經序

銅人明堂黃帝岐伯鬼臾區留以活天下後世自隔體
透膚之妙無傳乃謂是能筋脉傷血肉至望而畏之有
疾則歸心於庸醫百藥之俱試不知病在顛者必灸風
池風病非桂枝輩所能攻病在膚者必灸刺郄門雖枳
實輩不能下遂至於束手無策豈不哀哉近世朱絃麗
安常俱有鍼法涂知西亦謂病當以刺愈三衛鄒握虎
以諸法為歌訣該括行去聖賢活人之意賴以復傳今
欽定四庫全書
東嘉王叔權又取三百六十穴簡編巔末行分類別以
穴對病凡百氏之說切於理及已之見得於心者悉疏
於下箴灸之書至是始略備古聖賢活人之意至是始
無遺憾傳謂為人子者不可不學醫予親年八十精力
強健非賴此書耶因併醫術世傑訂證不傳見者十有
八條錄木庾司以補惠民之籍時嘉定庚辰孟夏朔承
議郎提舉淮南東路常平茶鹽公事徐正卿序


鍼灸資生經序

予得倅澧陽吏以圖經來迺暇日閱之見文籍之目有
灸經焉意其非明堂即銅人也祇役以來親故惠書及
士夫之經從者多以印置此書為託扣其所以乃前郡
博士王君執中之所編著也求其版則亡之矣豈好事
者攜之以去或守藏者不謹而散逸之邪然是經流傳
既久豈無存者冥加搜訪竟未得之憶篋中有淮東庾
使徐君正卿所刊鍼灸資生經取而視之其序引歷述
東嘉王叔權發明編類之功且謂鍼灸之書至是始畧
備古聖賢活人之意至是始無遺憾則知王君之用心
亦仁且至矣所謂叔權者其王君之字歟一日出示醫
論劉澐劉一見驚且喜曰王君所刊正此書也今之刻
畫精緻視昔有加究所繇來蓋徐君嘗主民曹於是邦
得此書歸而刊之耳吁是經也王君首刊之澧陽今不
復存徐君繼刻之海陵其存與否又未可知版之不存
則二君之志將遂湮微豈不惜哉予負承于此適攜以


偕殆非偶然者亟命工鈔梓以廣其傳使是書得不泯
絕其於衛生豈曰小補紹定四年四月望朝散郎澧陽
郡丞趙綸序

欽定四庫全書

鍼灸資生經卷一



欽定四庫全書



神庭一穴在鼻直入髮際五分灸二七壯止七七壯岐

伯曰凡欲療風勿令灸多緣風性輕多即傷惟宜灸七

壯止三七壯禁鍼鍼即發狂忌生冷鷄猪羊酒麪動

風等物 明堂云舉火之時忌熱食不宜熱衣

上星自此以下不言一穴在鼻直上入髮際一寸陷中明堂云以容豆是

細三稜鍼之即宣洩諸陽熱氣無令上衝頭目可灸七

壯不宜多若頻灸即拔氣上今目不明忌同 甲乙經

熱穴論注並刺三分

欽定四庫全書

顙會在上星後明堂云上星上一寸陷中可灸二七壯至七七

壯初灸即不痛病去即痛痛即罷灸鍼入二分此後去入字

留三呼得氣即瀉若八歲以下不得鍼緣顙門未合刺

之不幸令人天忌同素問注云刺四分

予少刺苦年踰壯則腦冷或飲酒過多則腦痛如破後

因灸此穴非特腦不復冷他日酒醉腦亦不痛矣凡

腦冷者宜灸此

前頂在顙會後寸半骨陷中甄權云是一寸今依素問

寸半為定鍼一分灸三壯止七七忌同素注云刺四分

此復去
問字

百會一名三陽五會在前頂後寸半頂中央旋毛中可容豆灸七壯止七七凡灸頭頂不得過七壯緣頭頂皮薄灸不宜多鍼二分得氣即瀉唐秦鳴鶴刺微出血頭痛立愈素注云刺四分

舊傳秦鳴鶴鍼高宗頭風武后曰豈有至尊頭上出血之理已而刺之微出血頭疼立止后亟取金帛賜

欽定四庫全書

鍼灸要略

卷一

之是知此穴能治頭風矣明堂經治中風言語蹇澀半身不遂凡灸七處亦先於百會此人始生子則灸此穴蓋防他日驚風也予舊患心氣偶觀陰陽書有云人身有四穴最急應四百四病皆能治之百會蓋其一也因灸此穴而心氣愈後聞灸經此穴果主心煩驚悸健忘無心力自是間或灸之百病皆主不特治此數疾而已也

一名
大滿

神聰四穴在百會四面各相去一寸理頭風目眩狂亂

風癩左主如花右主如果鍼三分

明堂有此四穴而銅人無之其穴治頭風目眩狂亂風癩亦所不可廢者故附入於此

明堂一穴在鼻直上入髮際一寸理頭風多鼻涕鼻塞三日一報鍼二分

按銅人明堂及諸家鍼灸經鼻直上入髮際一寸皆云上星穴明堂經於此復云明堂穴不知何所據且附入於此所謂疑以傳疑也

今以諸經校勘
上星穴者是

欽定四庫全書

鍼灸要略

卷一

後頂一名交衝在百會後寸半枕骨上灸五壯鍼二分

明云四分

後凡云明云者
明堂經云也

強間一名大羽在後頂後寸半鍼二分灸七壯明云五壯

腦戶一名合顧在枕骨上強間後寸半禁鍼鍼令人涎可灸七壯亦不可妄灸令人天

明云灸令人失音鍼三分素注云四分甲乙云不可灸

銅人云禁鍼素問明堂乃云鍼入三分四分亦可疑矣

不如不鍼為穩 素問蓋云刺腦戶入腦立死故也

風府一名舌本在項後髮際上一寸大筋內宛宛中疾

言其肉立起言休立下禁灸使人失音鍼三分 明云

四分留二呼又云舌緩鍼風府

岐伯對黃帝傷寒之問曰巨陽者諸陽之屬也其脈

連於風府故為諸陽主氣也然則風府者固傷寒所

自起也北人皆以毛裏之南人怯弱者亦以帛護其

項俗謂三角是也予少怯弱春冬須數次感風自用

欽定四庫全書

物護後無此患矣凡怯弱者須護項後可也

項名幾項乃云緩鍼其名雖存其義亡矣

瘕門一作瘕一名舌橫一名舌厭在項中央入髮際五

分宛宛中督脈陽維之會入繫舌本仰頭取之禁灸令

人瘕鍼三分 素注云在項後髮際宛中去風府一寸

明云舌急不言如何治答曰舌急鍼瘕門舌緩鍼風府


得氣即瀉可小統鍼入八分留三呼瀉五吸瀉盡更留

鍼取之得氣即瀉

偃伏第二行左右十四穴



欽定四庫全書



曲差二穴在神庭兩旁寸半入髮際鍼三分灸三壯

五處二穴在上星兩旁寸半鍼三分留七呼灸三壯

明云五壯止

承光二穴在五處後寸半鍼三分禁灸忌同 明云在

五處後二寸 素注云一寸

通天二穴在承光後寸半鍼三分留七呼灸三壯

絡却二穴一名強陽又名腦蓋在通天後寸半灸三壯

素注云刺三分留五呼

欽定四庫全書

玉枕二穴在絡却後寸半明上下七分半俠腦戶腦戶在強

旁寸三分起肉枕骨入髮際上三寸灸三壯 明云鍼

三分 素注云留三呼 甲乙經云二分

銅人云玉枕在絡却後一寸半明堂上下經皆云七

分半若以銅人為誤則足太陽穴亦同若以明堂為

誤不應上下經皆誤也小本明堂亦同予按素問注云玉枕

在絡却後七分則與明堂之七分半相去不遠矣固

當從素問為準然而玉枕二穴既夾腦戶矣不應止

七分則至於腦蓋也銅人之一寸半蓋有說焉識者

當有以辨之今以諸經校勘在

天柱二穴夾項後髮際大筋外廉陷中鍼五分得氣即

瀉 明云二分留三呼瀉五吸灸不及鍼日七壯至百

五忌同 下云三壯 素注云刺二分

眉衝二穴一名小竹當兩眉頭直上入髮際是療目五

般癩頭痛鼻塞不灸通鍼三分明上



明堂上經有眉衝穴而銅人經無之理目五般癩頭

欽定四庫全書

痛鼻塞等疾所不可廢者其穴與曲差相近故附於

此

偃伏第三行左右十二穴



欽定四庫全書

鍼灸書

九

臨泣二穴在目上直入髮際五分陷中鍼三分留七呼
得氣即瀉忌同 素注云灸五壯

足少陽有臨泣穴矣此亦有之蓋此乃頭臨泣穴也
目窻二穴在臨泣後一寸鍼三分灸五壯今附三度刺
目大明

正營二穴在目窻後一寸鍼三分灸五壯

承靈二穴在正營後寸半灸三壯 素注云刺三分

腦空二穴一名顓顓在承靈後寸半夾玉枕骨下陷

欽定四庫全書

鍼灸書

十

中鍼五分得氣即瀉灸三壯曹操患頭風發即心亂
目眩華佗鍼立愈忌同 素注云按腦空在枕骨後枕
骨上甲乙經作玉枕骨中

風池二穴在腦空後髮際陷中針七分留七呼灸三壯

明云在項後髮際陷中甲乙經云腦空後髮際陷中鍼

寸二分大患風者先補後瀉少可患者以經取之留五

呼瀉七吸灸不及鍼日七壯至百五艾炷不用大忌同

當陽二穴當童人直上入髮際一寸療卒不識人風眩


鼻塞鍼三分明

銅人無當陽穴而明堂下經有之理卒不識人風眩
鼻塞等疾亦不可廢者其穴與臨泣相近故附入
於此

欽定四庫全書

鍼灸類編

側頭部左右二十六穴



欽定四庫全書

鍼灸類編



頤厭二穴在曲周下

足少陽穴無下字明堂同

腦空上廉灸三壯鍼

七分留七呼忌同 明云二分 素注云在曲角下腦

空之上上廉刺七分若深令人耳無所聞

懸顙二穴在曲周上

足少陽穴同明堂無上字

腦空中灸三壯鍼三

分留三呼 明云二分 素注云在曲角上腦空下廉

新校正云按後手少陽中云角上此云角下必有一悞

二穴在曲角上是

懸釐二穴在曲周上

足少陽穴無上字

腦空下廉鍼三分灸三

壯

鍼灸真生經

十三

天衝二穴在耳上如前三寸

足少陽穴同

灸七壯鍼三分

率谷二穴在耳上入髮際寸半陷者宛宛中灸三壯鍼

三分明下云嚼而取之

曲鬢二穴在耳上髮際曲隅陷中鼓頤有空

明作穴

鍼三

分灸七壯明下云曲髮灸三壯

指連在耳上將耳掩前正尖上

銅人云曲鬢足少陽穴同素問亦同 明堂下經云

曲髮疑髮字誤也

曲鬢穴是曲髮字誤

角孫二穴在耳郭中間上開口有空

明作穴

治目生膚

髮齒斷腫灸三壯明堂別無療病法 明云主齒牙

不嚼物齩痛腫鍼八分

按明堂云角孫主齒牙不嚼物齩痛腫則有療病法

矣銅人

別

欽定四庫全書

鍼灸真生經

十四

日三壯若灸可艾炷如小雀糞風水面腫針此一穴出水盡頓愈忌同 明云日灸三壯至二百罷若是水氣唯得針此穴若針餘穴水盡即死下云灸五壯

兌端在唇上端針二分灸三壯炷如大麥 明下云在頤前下脣下開口取之

斷交在脣內齒上斷縫筋中針三分灸三壯

承漿一名懸漿在頤前脣下宛宛中灸七壯止七七

灸即血脈通宣其風立愈炷依小筋頭作針三分得氣

欽定四庫全書

即瀉忌同 明云頤前下脣之下針三分半得氣即瀉

瀉盡更留三呼徐徐引氣而出日灸七壯過七七停四


五日後灸七七若一向灸恐足陽明脈斷令風不差停

息復灸令血脈通宣其風立愈下云下唇稜下宛中

廉泉一名舌本在頤下結喉下 明云舌 灸三壯針三分

得氣即瀉 明云二分 下骨後陷中

面第二行左右十穴



欽定四庫全書

攢竹二穴一名始光一名光明一名員柱在兩眉頭少

陷宛宛中不宜灸鍼一分留三呼瀉三徐徐出鍼宜

以細三稜鍼刺之宣洩熱氣三度刺目大明忌同 明

云宜細三稜鍼鍼三分出血下云灸一壯

睛明二穴一名淚孔在目內眥鍼寸半留三呼雀目者

可久留鍼然後速出禁灸忌同 明云目內眥頭外畔

陷宛宛中鍼分半留三呼補不宜灸一云在目內眥外

一分

按明堂云鍼一分半銅人乃云一寸半二者必有一誤予觀面部所鍼淺者入一分深者四分爾而素問氣府注亦云刺入一分則是銅人誤寫一分為一寸也

巨髆二穴夾鼻孔旁八分直目瞳子躡脈足陽明之會鍼三分得氣即瀉灸七壯 明云巨髆在鼻孔下夾水溝旁八分躡脈足陽明之會鍼三分灸七七壯

迎香二穴在木髆上一寸鼻下孔旁五分鍼三分留三

欽定四庫全書

鍼灸通串

十一

呼不宜灸忌同

木髆二穴在鼻孔下夾水溝旁五分鍼二分又手陽明穴云木髆一名長頻直鼻孔夾水溝旁五分 明云和髆在鼻孔下夾水溝旁五分下云木髆在鼻孔下夾水溝旁五分灸三壯

銅人經木髆二穴在鼻孔下夾水溝旁五分明堂下經作木髆即髆也上經乃作和髆皆云在鼻孔下夾水溝旁五分則是一穴也而銅人手少陽穴復


有和髆二穴在耳前兌素問作銳髮陷中其穴相去遠矣恐明堂上經誤寫木字作和字也今以諸經校勘木髆穴者

欽定四庫全書

鍼灸通串

十二

面第三行左右十穴



欽定四庫全書

鍼灸類書

卷一

陽白二穴在眉上一寸直目瞳子灸三壯鍼入二分

承泣二穴在目下七分直目瞳子陷中禁鍼鍼之令

人目烏色可灸三壯炷如大麥忌同 明云鍼入四

分半得氣即瀉特不宜灸若灸無問多少三日後眼

下大如拳息肉日加長如桃大至三十日定不見物妨

或如五升許大

銅人云此穴可灸三壯禁鍼鍼之令人目烏色明堂

乃云鍼入四分半特不宜灸灸後眼下大如拳二家

必各有所據未知其孰是不鍼不灸可也

四白二穴在目下一寸灸七壯鍼三分凡用鍼穩審方得

下鍼深即令人目烏色

地倉二穴夾口吻旁四分外如近下有脈微微動是

也鍼三分明云鍼三分半留五呼得氣即瀉日可灸二七壯

重者七七炷如癰釵脚大炷若大口轉喎却灸承漿

七七即愈忌同

欽定四庫全書

鍼灸類書

卷一

大迎二穴在曲頤前寸二分骨陷中動脈又以口下當

兩肩鍼三分留七呼灸三壯

面第四行左右十穴



欽定四庫全書

鍼灸經

卷一

本神二穴在曲差旁寸半一云直耳上入髮際四分鍼

二分灸七壯二說相去遠矣可誤千云耳正直上入髮際二分

絲竹空二穴一名目髻在眉後陷中鍼三分留二呼

宜瀉不宜補禁灸使人目小又令目無所見

瞳子髻二穴在目外眥五分灸三壯鍼三分素注在

目外眥五分千注一名太陽一名前關

顴髎二穴在面頰骨下廉兌骨端陷中鍼二分

頰角二穴在頰角入髮際本神旁寸半鍼三分禁灸



本神在面
差旁寸半

欽定四庫全書

鍼灸經

卷一

側面部左右十四穴更二穴



欽定四庫全書

鍼灸書

二

上關二穴一名客主人在耳前起骨上廉開口有空動脈宛宛中灸七壯艾炷不用大筋頭作炷若鍼必須側卧張口取之乃得禁鍼深問曰何以不得鍼深岐伯曰上關若刺深令人欠而不得故下關久留鍼即故而不得欠牙關急是故上關不得刺深下關不得久留鍼也明云客主二穴鍼入一分留之得氣即瀉日灸七壯至二百炷不用大其鍼灸之必須側卧張口取之乃得穴避風下云灸一壯

欽定四庫全書

鍼灸書

三

按素問刺禁曰刺客主人內陷中脈為內漏為聾注云言刺太深則交脈破決故為耳內之漏脈內漏則氣不營故聾聲審若是又不止令人欠而不得故而已用鍼者所當知也

下關二穴在上關下耳前動脈下廉合口有空開口即閉鍼入四分得氣即瀉禁灸又云下關不得久留鍼見側卧閉口取穴前關二穴在目後半寸亦名太陽之穴理風赤眼頭痛目眩目澁不灸鍼三分明

銅人有上關下關各二穴素問亦同但明堂上下經
有上關而無下關惟上經有前關穴又不與下關穴
同在上關之下恐別自是前關穴一名太陽穴理風
赤眼頭痛目眩澁等疾所不可廢故附入於下關之
後

和髎二穴在耳前兌髮下橫動脈鍼七分灸三壯素
注在耳前銳髮下橫動脈

和髎二穴在耳前銳髮陷中明堂上經亦有和髎二

欽定四庫全書

鍼灸書

卷一

穴竅即髎也在鼻孔下夾水溝旁五分即銅人之禾
髎明堂下經之禾髎也或者明堂上經誤寫禾字作
和字 恐人以和髎和竅為一穴故備論之

聽會二穴在耳微前陷中上關下一寸動脈宛宛中張
口得之鍼七分留三呼得氣即瀉不須補日灸五壯止

三七壯十日後依前報灸 明云鍼三分忌冷食聽呵

下云灸三壯

一云聽呵前一
六後名聽會

一名聽呵

耳門二穴在耳前起肉當耳缺者陷中鍼三分留三呼

灸三壯明下云禁灸有病不過三壯

聽宮二穴在耳中珠子大如赤小豆鍼三分灸三壯

明云鍼一分

頰車二穴在耳下曲頰端陷中鍼四分得氣即瀉日灸

七壯止七七炷如大麥忌同 明下云在耳下二韭葉

陷中灸三壯人云耳下曲頰骨後 千云一名機關在

耳下八分小近前

欽定四庫全書

鍼灸書

卷一